

532.
LE
CONSEILLER
FIDEL
A V R O Y.



A P A R I S,
De l'Imprimerie d'Arnould Cotinet, rue des
Carmes, au petit I E S V S.

M. DC. XLIX.

Avec Permission.

232.
L F
CONSEILLER

FIDEL

A V R O Y




A P A R I S,

De l'imprimerie d'Arnould Corinet, rue des
Carmines, au petit LES V.

M. DC. XLIX.

Avec Permission.



LE CONSEILLER FIDEL. AV ROY.



SIRE,

LES anciens Politiques ont, selon mon iugement, tres-proprement comparé les Republiques affligées au nauire flottant sur la mer, agité de bourasques, & de tempestes. Et tout ainsi que ceux qui sont dans ce nauire conspirent d'un mesme accord à le sauuer du peril, les plus forts & les plus robustes courans qui aux antennes, qui aux cordages, qui à la hune, qui sur le tillac; les autres (moins propres aux efforts, mais plus experimentez.) restans pour gouverner & commander. De mesme la Republique assaillie de quelques desordres, par guerre estrangere, ciuile, ou autrement, requiert semblable secours de ses Citoyens, pour pousser la tempeste arriere, & se garantir de l'orage qui la menace, partie par forces, & violence, partie par bons conseils & salutaires aduertissemens.

Celuy-là n'est pas bon voisin, qui ne secourt selon sa puiffance son autre voisin, quand le feu est en sa maison. Aussi est-il certain que ceux là ne sont pas bons subiets, qui en telle conflagration, & embrasement public, ne s'efforcent d'y contribuer, ou pour le moins n'apportent quelque seau d'eau, pour avec les autres rascher d'esteindre le feu.

Pour moy ie me suis obligé au mesme deuoir, & de représenter

Vostre Maieſté, par ce petit discours, les miseres de ce pauvre & defaſtré Royaume, ſi iniuſtemēt traité par les pernicioeux conſeils de ceux qui ſont ennemis de la grandeur de voſtre Eſtat, afin qu'il vous plaiſe d'y apporter quelque remede; lequel, ſelon mon aduiſ, vous deuez chercher & embrasser, pour premierement appaiſer l'ire du bon Dieu, par lequel vn chacun de nous eſt maintenant ſi eſtrangement trauaillé.

Il ne faut pas s'approcher des Princes pour leur complaire: car c'eſt les perdre; mais bien leur dire la verité pure & nette; où au contraire les flatteurs, amis de table & de bouche, n'ont autre but que leur profit, tous leurs conſeils ne ſont que trahiſon, & tromperie, ſouhaitant toutes ſortes de biens aux Princes, fors qu'un bon entendement, & la prudence. En fin, SIRE, les flatteurs ſont vn meſtier ſordide, & ont la langue & l'ame venale, comme eſt celle du plus pernicioeux de tous les hommes de ce temps; duquel, au tres-grand regret de tous vos bons & fidels ſubieſts, & ſeruiteurs, vous eſtes tous les iours environné. L'en- tens parler de ce pretendu Miniſtre eſtranger, & tout enſemble Machiaueliſte, que nous pouuons comparer à l'Hirondelle, laquelle nous rompt la teſte de ſon caquet, quand le temps eſt doux & benin, & laquelle auſſi nous quitte, & nous abandonne durant les rigueurs & les plus grandes froidures de l'Hyuer.

Je diſ cecy, SIRE, pour vous ramenteuoir le danger où vous eſtes, viuāt auourd'huy au milieu d'un ſi grād flatteur, qui ayme le voſtre plus que vous meſme, & qui ne taſche qu'à vous perdre, & voſtre Royaume; eſtant tres-aſſeuré, que ſi toutes ces violēces & ces iniuſtices, dont on vſe à l'endroit de vos pauvres ſubieſts, ne ceſſent bien toſt, ne vous en garentiront iamais, ains en haſteront d'auantage la ruine ſi manifeſte & ſi euidente.

Neantmoins, SIRE, il vous eſt auſſi ayſé d'y pouruoir, comme ie penſe m'eſtre facile de l'eſcrire. Il ne reſte que d'inuoquer l'ayde de Dieu, & d'y apporter voſtre conſentement, pour nous gouuerner, cōme vos predeceſſeurs Roys ont fait, & de vous ſeruir de bons & naturels ſubieſts & ſeruiteurs, au lieu de pauvres ſouffreteux & indigens, qui neantmoins ſe ſont agrandis, & ſont deuenus riches au detrimēt du pauvre, & des deſpouilles de la

veufue

veufue & de l'orphelin. Que s'il aduient le contraire, sans doute, que celuy qui est mal à son aise, ne demãdera, ny ne recherchera rien autre qu'une espece de changement, & de remuement; d'autant que par ce moyen, il croira recouurer une meilleure & plus aysée façon de Viure.

Ceux-là vous trompent grandement, SIRE, qui vous persuadent, que les conseils de cét ignorant Ministre sont à votre avantage. Il n'y en peut auoir de plus sours, que d'acquiescer l'amour de vos sujets, que vous auez tousiours trouué si zelez & si affectionnez enuers Vostre Maieité. Hé, bon Dieu! se peut-il faire qu'ayant connoissance d'un si mauuais traitement, vous ne chastiez puissamment ceux qui sont les auteurs de tant de desastres, & de familles ruinées? Ces trompeurs & ces traistres Conseillers sont neantmoins viuans sur terre, & pres de vostre Maieité à leur aise, puis qu'il plaist à Dieu; soit pour nostre punition, soit aussi pour la vengeance des iniustices qui se commettent. Ils vous ont embourbé si auant dans ces desordres, que nous voyons, que si Dieu n'a pitié de nous, & que la Reyne ne se réveille de l'endormissement duquel ils la tiennent enforcélée, il y a grande apparence, que nostre perte & la vostre est inéuitable, si Dieu n'y met la main.

Je demanderois volontiers qui a fait le temps si mauuais? sinon les iniustices commises par l'aduis du plus meschant & enfariné Politique qui fut onc sur la terre. D'où viēt nostre grande disette, & la pauvreté où nous sommes reduits? si ce n'est par l'enrichissement de quelques voleurs domestiques, qui seroient assez riches de la quatriesme partie de ce qu'ils ont a present au dommage du pauvre Peuple, & dont un nombre infiny de gens de bien & de seruices seroient assez reconnus.

Mais quoy? nostre mal en est là, que la porte est fermée à toutes remonstrances. Vos Officiers n'ont plus d'audiãce, où il est question d'argent, pratiquant ce sordide Prouerbe. *Pallet oratio auroloquente.* Si bien que l'argent que l'on tire est le plus souuent assigné sur le sang du pauvre Peuple, auquel (si aucun y a) on a demandé à plusieurs fois plus d'argent, qu'ils n'en auoient de contât en leur maison pour acheter du pain à leur famille en ces

chers & miserables temps.

Qui auroit vny à ce compte tous les deniers & profits des Edicts faits depuis 25. ans, ils se trouueroient suffisans pour entretenir long-temps vne tres-grande armée, sans molester vos pauures & desolez subiets. Où au contraire tous ces deniers se sont dissipez, vne partie employée en bastiments inutiles, autre partie en luxe, & la plus grande parties'en est allée dans le gouffre insatiable de ces maudits Monopoleurs & Partisans executeurs de vos Edicts.

A propos de Partisans, l'on sçait leurs Contrac̃ts aduantageux, qui sont faits à leur profit, moyennant les bons presens qui se font à ceux qui les fauorisent, profitans encor plus par tels moyens, que par le credit qu'ils ont en vos espargnes, & sans se mettre en peine de faire verifier le tout par cet auguste Parlement, duquel on ne sçauroit assez dignement louer la fidelité & sincerité de vie. Cecy, S I R E, n'est point vn conte fait à plaisir, & tout ainsi qu'on a escrit les actions des siecles passez, les vostres, & celles de vostre temps & regne, seront escrites à la Posterité, & qualifiées du tiltre qu'elles meriteront sans aucun déguisement; ce qui n'est pas de petite importance à vostre honneur.

Chassez, S I R E, ces traistres de Financiers qui sont autour de vous, & qui succent vostre sang, comme sangsuës & harpies, ennemis des gens de bien, & de vostre Estat, amis de leur bourse & de leur profit particulier. Vous auez desia commecé par quelques-vns, chassez apres eux tous les autres qui les ressemblent: car telles gens auacent la ruine de vostre Estat, & de vostre pauvre peuple. Dites à ceux à qui vous auez tant donné, qu'ils se contentent pour ce coup, & qu'ils sont trop goulus.

C'est vne chose tres-assurée, que si vous croyez, S I R E, vostre flatteur politique estranger, & pernicieuse mousche, guespe de l'Estat, il vous fera trébucher en vne peine incroyable, & vous rendra si desnudé de tout, que vous n'aurez iamais vn bon iour qui vous soit paisible, & n'y aura si petit en vostre Royaume, qui en sa condition ne se trouue plus heureux que vous.

L'on dit du Cardinal d'Yorck, qui gourmanda iadis toute l'Angleterre, que quand il parloit, ou escriuoit, il disoit, Moy, & le

Roy; & fut si insolent que de faire reuerer son Chapeau dans son anti chambre aux suruenans, aussi finit-il ses iours de son propre mouuement, pour ne pas tomber dans vne mort plus infame, & plus honteuse.

Le Cardinal Baluë n'estoit pas meilleur que luy; Philippe de Cōmines le qualifiant du tiltre de perturbateur du repos public, & la Chronique scandaleuse dit, qu'il auoit fait de moult grandes & merueilleuses diableries.

Vn Euesque de Verdun, qui estoit adherant à ce Cardinal, estant tombé en faute reconnuë par le Roy Louys vnzième, esprouua iustement les Cages de fer, qu'il auoit inuentées, pour supplicier d'autant plus les Criminels. Et dit-on que ce mesme Euesque n'y coucha que quatorze mois, ou quatorze ans. Aussi le Cardinal Baluë fut empoisonné, & fit-on vëdre ses plus riches & precieux meubles, pour en faire quelques restitutions, soit par aumosnes, ou fondation de quelques hospitaux.

Que ce Cardinal Mazarin fasse ce qu'il pourra pour vous mettre en deffiance & soupçon de vos pauvres subiets, de vostre bonne ville de Paris, vos bons & fideles seruiteurs, qui ne penserent iamais qu'à vous aymer & seruir, & à prier Dieu continuellemēt pour vous, & la prospérité de vos armes: tous ses desseins chimeriques tourneront en fumée, & toutes ses fausses impressions s'éuanouyront à sa honte & à sa confusion, peut-estre aussi par vne fin tragique de ses iours.

Il n'est pas iusques aux Princes estrangers & bons Catholiques, qui ne demeurent estōnez de telles menées, & s'émerueillent de ne voir sur quel legitime sujet on fonde la haine que l'on porte tant à vostre auguste Parlement, qui vous a tousiours si fidelement seruy en toutes occurrences, soit aussi à vos pauvres & desolez subiets: si ce n'est par les faux bruits semez par leurs ennemis, desquels vous estes environné, veu que les vns & les autres ne parlerent iamais qu'à l'auancement de vostre grandeur, & de celui de vostre Estat.

Le Roy Louys douzième estoit vn bon Prince, & tres-heureux, il aymoit ses subjets, & estoit aymé d'eux grandement, il les gouuernoit doucement, & en Pere, comme vous deuez faire,

S I R E. Le nom de Roy est vn nom d'amour. Car qui a le cœur d'un homme à sa deuotion, il peut faire estat de ses richesses & moyens. Et le sujet qui ayme son Prince, n'espargne iamais sa vie, ny ses biens pour sa defense.

Dion Chrysostome compare les bons Roys aux Bœufs, & les mauuais aux Lyons, disant que le Bœuf est vn animal de profit, qui n'a rien sur luy qui ne soit vtile. Vn bon Roy est de mesme enuers ses sujets. Mais le mauuais Roy n'a rien de bon en luy, non plus que le Lyon, lequel n'a que des dents pour deuorer, & des griffes pour deschirer.

Je cesseray d'en parler dauantage, pour vous dire que vous chassiez bien loin arriere de vous, tous les Maletoliers, & donneurs de memoires au dommage du Peuple, & de la chose publique: & faites, pour l'honneur de Dieu, faire le procez par vostre Cour de Parlement, & ne feignez pas de luy bien recommander cét affaire, à tous Partisans & Estrangers, lesquels ayans trouué le morceau friant, ont (comme on dit) gagné de l'appetit en mangeant, & sont à la fin deuenus aussi grands maistres, que les Italiens, sang-suës du pauvre Peuple, Inuenteurs, Ministres, & executeurs de tous les Edicts de daces, & d'impôts, par le moyen desquels ce Royaume est si desolé & réduit en tel accessoire, que tout y est à vendre, & tellement à vendre, que l'on pourroit dire tout de bon, *Royaume à vendre*, ainsi que l'on disoit de Rome, *Cité à vendre*, lors qu'elle commença à se perdre.

Ce faisant, si vous voulez que vostre Peuple vous ayme à bon escient, il faut que vous l'aymiez de mesme, & luy fassiez sentir les effects de vostre amour, & recognoissiez que Dieu vous a faict & créé pour le Peuple, & non pas le Peuple pour vous. Le Peuple peut aucunement bien viure, & estre sans Roy: mais vn Roy ne peut estre sans Peuple. Dieu, **S I R E**, vous en benira, & fera prosperer tres-amplement. Ainsi soit-il.

F I N.